

盛宣懷日記

江蘇廣陵古籍刻印社出版發行
揚州廣陵古籍印刷廠印刷

(揚州市鳳凰橋街)

一九九八年五月第一版第一次印刷

印數：〇〇一—五〇〇

SCBH 7—60101—278—6/K·18

定價：壹佰肆拾伍圓(全二冊)

紳富之遊居其境內勝地者所得之上南皮相國條
圓意國約三萬萬圓日本約七千萬橋著名財政家
頗非容易必須一國文化大開交通便利美景足以
怡情旅館足以慰勞始使人有賓至如歸之樂此不
言富而富寓焉並出示上年至北京上南皮相國條
陳幣制書洋洋數千言具有心得高橋著名財政家
名下無虛不信然乎

二十二日 風雨本擬赴大隈伯之約稍有效嗆畏風
乃派直卿持函道歉改訂翌日午後晴

二十三日 晴訪大隈年七十二精神健勝爲余言養

生長壽法曰人爲萬物之靈本具有一種活潑天機
須將此靈機常常養存逆來順受險至夷視蓋人一
生作事斷不能無意興失敗時設丁其厄切宜坦然
處之否則於腦經神經將有中其毒於不自覺者余
昔年秉政時曾爲人炸去一左腿余毫不介意以爲
凡人作爲只恃頭腦卽有人再將余右腿炸去余亦
處之夷然也余曰設如人心中偶有一思想輾轉不
得透徹甚至愈思愈昧精神瞶亂若至此時有何法
制之答稱此必須得一轉換之法何謂轉換或散步
園中或閑遊郊外聞花香聽鳥語將此心暫爲寄存

或則洗浴人當凝思之時血液盡湧於腦際一入浴水卽貫注四肢心思自散此法最爲簡便神速夫人精神至可寶貴切不可思慮過度素問不云乎精神內守病何從來余嘗本此語參以己意證諸德國醫學大家之言著爲論說譯載西報或信或不信然以余一身之經驗觀之實有確乎不拔之理余幼時身體甚弱今年逾古稀而聰強反勝或與客談論或登壇演說或研究時事歷數時而不倦余生平最愛種植花木培養學生

早稻田大學爲其創辦

因此兩事皆具有勃

勃之生氣象真精神故樂爲之而不怠也再有一要

訣吾輩年老最忌自存一老念必須常學作少年氣象記得唐人有詩云時人不識余心樂將爲偷閑學少年此二語實有至理如自以爲老則未老先衰矣余故嘗與人言養生之訣必須有自信必能強健之勇氣若無此勇氣一切均不足言矣余曰七情飲食如何節制答稱喜怒人之常情但發之過急遏之過甚俱足以傷生至於口腹先天所賦不妨由我所愛若必喫素喫淡以爲衛生則非余所知也惟其節制之理甚屬微妙可以意會不可言傳大約能做到聖經所云適可而止四字則得之矣大隈以元老退居

林下厭視世務日惟講求養生之法嘗自信可獲一
百二十五歲之壽云午後訪胡星使出遊帝國博品
館內列各肆自服用以至玩具無物不備每件標明
價值並懸有農商務省示諭若有二價照正價罰兩
倍其意蓋謂地方逼窄一經計較價值必致擁擠有
礙生意其樓四五層由漸而高不用階級既省遊人
步履又可多列攤肆立法甚善東京勸業場不下十
餘處惟該館規模最爲嚴正中國工商日見發達所
當仿而行之者也

二十四日

陰偕小田切訪松方侯爵

正義

談及新政渠

云凡百政事均須由財政入手敝國財政初時極亂
嗣經余極力整頓並親赴各國考察始定用金本位
組織中央日本銀行發行兌換券自是乃歸畫一然
苦無現金仍係虛本位直至甲午之後得有償欸始
得實行詢其金圓分量何以悉準美國答稱余查得
美圓最爲通行故依其制又詢其當時鑄行一圓銀
圓何以仿照墨圓分量答稱因民間已經慣用若不
準其分量不但不能通行驅除墨圓且將爲墨圓輔
之翼而滋害財政也余平生精力盡在財政其整頓
詳細始末聞日前日本銀行調查局片山局長已與

貴大臣詳言之矣余聞貴大臣此來並欲考察廠礦
余老矣無所裨益余長子幸次郎現在督辦神戶川
崎船廠尙能辦事已囑其俟貴大臣過神戶看廠時
妥爲伺引俾可詳細閱看握謝而出午後赴三井東
家三井男爵八郎右衛門之招觀其住宅隨意構結不拘
形式極幽邃閑雅之妙花園尤布置特別余書贈屏
聯四幅以誌欣羨之意是日美艦隊抵橫濱到處懸
挂燈幟預備歡迎頗形熱鬧

二十五日 晴赴興業銀行古河公司三菱公司日本
郵船會社等處答謁承興業添田總裁送其行中章

程一冊便訪青山古市午後大隈伯偕早稻田大學

學長高田氏早苗過談並贈其演說集創業錄開辦已廿五年

高田教育時言各書旋赴李柳溪星使處閑談

二十六日 晴偕小田切訪伊藤公爵博文伊云余與貴

大臣交好二十年今親至敝國萬分欣慰現在貴國

銳意維新實為東方大局之幸惟立憲一事最為緊

要聞貴國預備九年其志甚盛然未免視之太易敝

國初議立憲經余攷察七八年之久始悉英德憲法

為最美備英為立憲最古之國其法成頒布在而德南宋嘉定八年距今幾七百年矣

國制度尤於日本為近其君權亦最重遂據為範模

次第施行其間不知費卻多少討議經歷多少階級受盡多少魔難計自明治六年確定爲立憲政體後直至二十二年始發布憲法於通國今貴國地大物博較倣國何止十倍九年果能辦到否余答以諭旨旣限九年惟有遵旨趕緊預備伊云憲法一事非貿貿然所能得其窾要當時倣國預備立憲余係主張立憲之人國家卽屬意余爲將來辦理之人故卽派赴考察蓋凡事必得之於心者乃能應之於手今貴國派出攷察憲政大臣凡幾輩矣究竟將來誰是辦理之人元老重臣旣不能出洋而新進閱歷尙淺視

事太易豈謂能通外洋幾句語言識幾行文字遂足當大任乎試問貴大臣能任其事否答稱吾已年老非所敢任伊云總之既定九年之限無論如何必要辦到若辦不到便成亂兆尙不如不辦之爲愈也且第一入手卽在財政其次則在鐵路有財政之準備而後諸事有藉手有鐵路之交通而後遇事可應機貴國於此兩項現尙未見純備若不猛加祖鞭恐未易達其目的余雖衰老對於貴國頗具熱心猶憶甲午一役敝國上下均不以停戰爲然余以一人主持其閒和議始成庚子之事全球震動並非日本一國

發難現在中日兩國極形親睦然而挑唆之人時伺其旁所望貴國日進富強不使外侮乘內釁而生設一旦再有變故則日本慮唇齒之寒亦豈能袖手坐視貴大臣爲二十年舊交故不憚一訴衷曲並有八字奉贈曰顧全大局不爭小事當爲貴大臣所樂聞談至此有一員匆遽而進曰天皇待公十二鐘宮內午餐今已其時矣伊遂起立曰適與貴大臣長談幾忘之矣暇日再當約晤余卽興辭而返

二十七日

晴偕深澤訪外務大臣小村伯爵

壽太

談

次及時局小村曰東亞首推中日兩國其應慎密交

誼彼此以保全大局爲己任固無俟言惟所謂保全之道端在推誠協和勿使他人離間之策乘隙而入庶能共享平和之福余嘗靜觀事局之變近有內外壓力兩種請先言其自外者約在十五年前歐西列強在亞非利加洲始則暗樹勢力範圍繼且明爭主權領土擾攘多年其局始定於是遂移其慣用之壓力轉而之於東方大都注意中國有強請辦礦者有要求造路者時局紛擾深爲可慮其時有一事竟似挽狂瀾於旣倒者何也英日同盟之約是也該約聲明兩國宗旨必要保持中國領土使主權完全無稍

缺憾其意謂有反對此義者與英日兩國應作對敵
觀然詭計異謀仍有乘閒而起者逮日俄戰後始恍
然省悟蜃樓海市一掃而空所謂外來壓力由此斷
絕東方大局似可高枕無憂矣然而否否倘吾兩國
不明其應明之道不慎其應慎之方將推誠協和之
實意視爲矯揉造作之虛文只顧目前不圖日後交
涉因而多故隣誼由是乖離甚至授人以離間之機
會彼此均受其荼毒此之謂內壓力一旦有內壓力
則外壓力無不跟蹤而至故最可畏者內壓力是也
是以敵國深望貴國乘此內修政治外輯隣交振興

工藝獎勵殖產以躋於富强之宏基使吾兄弟兩國相親相依永固吾圉此大局之幸也余應之曰鷓蚌相爭漁翁得利自古云然日前晤伊藤公亦語余八字曰顧全大局不爭小事正合貴大臣之意但此八字應須彼此守之小村曰極是又曰貴大臣在貴國創辦各項實業久已傾倒鄙人於政治雖有一知半解而經濟一項識力淺薄實不足與貴大臣同日而語然嘗有一思想試爲貴大臣言之適言推誠協和在兩國官長遵行不難然欲收協和之實利尙須先從商民著手方今最良之法莫如合資經營商業貴

國地大物博甲於全球但地藏雖富必資機力機力雖靈必待人工倣國工商製造差有一日之長若能多設兩國商民合資公司興辦各種實業各就所長通力合作材料取之充裕之地製造委之得宜之人謀國富強溝通情愫無過於此且貴國商人向來購買洋貨僅得販售之利若合資辦事則販售之利專之製造之利共之可謂有兩利存焉鄙人深信欲收協和之實利此事必首屈一指余曰中外合股事業在中國以匯豐洋行爲得利之最該行寄存華商資銀不下數千萬此外如怡和公司等華商資銀亦不